

義烈小說

# 費娥劍

劍

上海進步書局印



義烈  
小說

# 費娥劍提要

蔣景緘著

此爲清咸豐間事一紀姓家大婦淫蕩小  
星賢淑積不相容夫因攜妾出外適遭洪  
楊之亂以致離散妾始遇暴徒繼墮賊窟  
歷受脅迫卒全其節時大婦亦爲翼王石  
達開擄獲甘充下陳爲妾偵知餉以白刃  
爲夫雪恥又力擊翼王不中而死蔣君所  
撰無一弱筆其描摩義烈處尙虎虎有生  
氣

義烈  
小說

# 費娥劍

蔣景緘著

## 第一章 悲鳳

芳春三月。群鶯亂飛。燦燦陌上花。一抹嫣紅。開作可憐顏色。彌望村墟。斷井頽垣。點綴于澹沱風光之際。其有茅龍盤蔚。則爲遠人歸里。牽蘿負土之新建。築綠楊城郭。光景依稀。上冢清明。野哭之聲。相答。蓋紅巾之難初。救噉噉哀鴻。歸其安宅時也。

此地爲揚州之某鄉。烽燹曾經。居人猶含餘懼。驚魂初定。穡事未遑。田疇歷歷。半卽蕪穢矣。鄉之北松柏青葱。散作滿天風雨。紀氏之嬪宮在焉。守冢之家。空舍無人。老屋數間。欹側于蔓艸荒烟與林左之墳相對。墳爲新起土花。黃潤宿艸未荒。一統豐碑。唯書姓氏。而此中深葬幾許傷心歷史。固未紀載。行人亦莫

得而讀之。

此時有一少年。行于道上。行步似不勝其履。頻出袖中素巾。以搥其目。目眶深陷。而雙顴則隆起。益彰其頤之削。神傷之態。昭然呈露。乃趑趄以詣此冢之前。少年身後一小奚。奴左祭品。而右衣囊。健跳殊甚。顧以少年行蹇。不敢越主人先。少年見距冢近。顧之曰。高福。汝其速行。余將祭爾主母。奚曰。此冢中所葬。乃主母耶。

少年曰。咄。一鈍奴。一此真足以主母汝者。若彼婦……言至此。面作顰色。兩手緊握其爪。久之始續曰。彼婦倚門倡耳。尙何主母之足云。奚不敢復辯。急行至冢。羅列繒繖。少年趨拜未畢。噉聲一慟。淚泉如瀉。且呼冢中人之字曰。鳳卿。卿勇乃不下費宮人何意。粉閣姣娃。而錚錚如是。嗚呼。碧海長清。貞魂不泯。卿亦知後死之夫壻。悲慘乃勝于死耶。言已復哭。哭已更作絮絮語。若相晤言。旣而驕陽射面。映其眼眥。淚珠有如晶顆。睛球接觸少年。始恍然有悟。悟此身之尙

在冢外未嘗與此中芳魂共瘞拭涕而起怛悵四顧小奚旁立如癡覩主人起乃進楮帛椒糈一醕靈風翛然紙錢作蠅蝶飛矣

少年奠既命小奚更以衣囊進容色忽變慘厲深陷之目睒睒作光如毒蛇將噬人狀已乃取衣出視衣爲裙一衫一及鷹髻弓鞋諸物少年覩之若遇大敵掣懷中小刃截之作寸寸碎燃火悉令一炬申申曰他人遺物陳之足爲紀念惟汝姣妒之魄吾恨不手自碎磔乃至艾蘭同盡嗚呼彤管之芬金樓之穢雜繇吾門令吾悲憤交集矣

言已又觸哀情復扣冢呼曰鳳卿一卿其有知耶其無知耶卿謂我此等處分勝於岳墓鑄鐵否耶雖然遺垢在此余猶惡其汚卿乾淨土余爲卿驅除可也於是從小奚奴手中取衣囊扇其餘燼至飛揚淨盡乃已童微語曰日已將午公子宜入城進餐且少節哀感小人爲公子覓一人力車乘之如何少年怒曰吾足豈不良於行者而煩汝以病夫相視小奚噤不敢語少年遂別此冢行行

數武輒一回顧爲狀至惻惻。

少年者紀氏小主翁字曰清華郡之諸生也。先是室有妻妾各一。自逢喪亂。皆淪賊中。清華初亦避亂出走。及寇去歸故里。聞賊中耗。知妻妾死狀。遂痛哭爲妾招魂。躋之敵體。葬衣冠於郭外。值此斷腸時節。乃隕涕荒郊也。

清華之妾爲甄姓。鳳娘其小字也。鳳娘少失怙恃。育於姨氏。及笄有艷名。梨頰微渦。修蛾入鬢。風姿固濯濯也。姨氏嫠而冒於貨。欲倚之爲錢樹子。教以度曲。及絃管。鳳一習輒精。雖老於歌場者弗能過。姨旣大悅。卽欲使之倚門賣笑。鳳知不能免。從容請於姨曰。兒受姨氏豢養。兒身姨氏之身也。姨所使令。烏能不如命。雖然。姨欲兒以色身事人。兒竊願與姨約。姨必諾兒所請。然後聽姨。否卽置兒死地。兒亦必不曲徇也。姨重違其意。令亟自陳。鳳乃曰。姨覲兒爲此。所欲得者財耳。兒自揣當不令姨失望。顧交際縱能泛濫。而裳衣之奉。則必不能。及二人。人每謂風塵中無眞操。以所執之業適成反比例也。兒今乃欲以身試。

險就此目的。俾當世知青樓未必無人物。姨謂尙不難允許否。

鳳之姨涉世既久。謂此等思想爲小女兒之恒態。弗爲異。乃哂曰。我謂何等事。而費汝再四推敲。今所謂願者止此耶。汝能爲余謀生活。余且厚感汝。此事余必從。弗奪汝希望也。鳳娘於是無言。而亭亭青蓮花。遂托根於泥滓。此後之果能出汚弗染。與否。正視鳳之自待何如矣。

艷幟旣張。慕羶者麇至。門前車馬殆無虛日。鳳故解權變。遇事能不露圭角。紈儉市儈。靡不爲之傾倒。而荆山之璞。則深孕石中者如故。姨氏喜其所入豐。不。少加以聲色。故鳳娘雖墮泥滓。俯仰良極寬閒。

## 第二章 櫻獅

愛情者煩惱之母也。人生具此膠質。卽能吸引煩惱。而至牽連比附。勢如亂絲。雖有智慧。莫能自脫。蓋根荏固矣。鳳娘自蒞香國。清華即耳其名。一日乘間造訪。鳳適曉妝。握髮出。迓綠雲一握。香泌鼻觀。清華笑謂之曰。外間多稱卿放佚。



不羈。向未深信。今觀芳度。太原公子。不衫不履氣象。始識人言不妄也。鳳亦報以微笑曰。君倘虬髯客。妾非小秦王。未免儼不於倫矣。言已。邀客入妝閣。縱談極懽。清華至是始獲驚鴻平視。上下周矚不已。已而曰。卿明眸善睐。笑靨承顙。百媚橫生。而豪氣以時流露。猶復吐辭漱芳。清談霏玉。求之閨閣。且不易得。況……言至此。鳳娘忽低蹙修蛾。盈盈欲涕。清華急易詞以慰曰。以卿麗質。當不久在風塵。不佞失詞。幸毋自苦。鳳收涕答曰。謝君青盼。薄命人何以當此。妾唯恨不得風流文采。如君者而事之耳。苟有其人。去此火坑。不俟終日矣。清華素知鳳娘外和內介。每不喜浪事稱許。今一見如故。傾心於己。感不自勝。已復歎曰。卿天人當得佳士。莊鴻案。惜余福淺。先有荆室。妻卿不能。媵卿懼褻。徒存虛願耳。鳳聞言。紅潮上頰。顫聲曰。得婿如君。媵亦良佳。若嫁得齷齪。餒餒。銅臭滿身。不識詩書。爲何物。以彼易此。豈非人間天上耶。

清華悵然有觸。乃吟成句曰。薄命憐卿甘作妾。傷心恨我未成名。吟畢。以面嚮



壁歎歎不已。回顧鳳娘。清淚亦浪浪下半幅之素巾濕矣。

是日清華勾留永晝。既夕徘徊不去。覬聞留髡之語。鳳娘已覺其意。捋臂上之守宮砂。示之曰。君盍審視此猩紅一點。實爲妾之証人。妾至今日猶爲處子身。未受飄風暴雨。君若能以妾爲朝雲者。則請俟諸抱衾之日。否則已耳。清華把臂留連。心竊驚異。而欲爲脫籍之心愈熱。遂亦不强珍重而歸。歸則簾幙燈初月鉤。照影好光景。歷歷可念。

清華之婦銀娥。爲郡中胡氏女。幼亦失母。未嫻閨教。早賦於歸。清華以其少也。恒弗責以家事。顧銀娥性極驕。動輒以世族自矜。謂清華門閥不能與之埒。實則紀氏亦多聞人。可稱道者。銀娥之所見妄也。

銀之性質既縱恣。清華復以相愛。故曲事優容。馴至雌風競甚。清華不能制。浸假而惡色浸假而惡聲。浸假而操杖逐視。良人若無物。清華不喜狎邪遊。其訪鳳娘也。實爲萍踪之偶合。故妒海之潮。前此曾未汎溢。

是日清華未歸。而銀娥疑甚。偵騎已四出。旣入門。詰以何往。則託程友招飲。醉不能歸。故晏程字明甫。少與清華同筆硯。過從綦密。素爲銀所悉。自是清華託以自飾。不虞紀綱已踪跡及之。銀審其僞。立致詬誶。是夜竟不獲安枕。至是禁弗令出清華絕迹於甄氏者。蓋將旬日。

鳳娘自覲清華。惘惘如有所失。臨妝悄語。對影長愁。大有一日三秋况味。雖門前車馬紛然若織。而鳳娘悉以淡漠遇之。不復如曩時之活潑矣。

無何清華有父執過揚。其人官某藩。致仕將歸。白下郡紳宴之。平山堂招鳳娘侑酒。屢呼始至。至則掩抑而前。如花枝之顫動。而梨花之靨。猶有淚痕。薄暈蓋幽泣未已。方嫋嫋來遲也。某藩目注湏臾。詢主人曰。此卽揚州名校書甄鳳娘乎。主人亟應曰。然。某藩曰。名下固無虛。然娟娟此豸。何愁態欲絕也。此時鳳娘已至某藩前。某藩握手慰勞。意良殷渥。已而撚鬚笑問曰。汝具此清才。亦曾物色風塵。得一可從之佳士否。鳳娘方以探得清華之大婦。惡自怨。旣欣良覲。復

遇獅聲墮溷。頻年終成薄命。於是掩泣已而應某藩之召。不意復受此詰問。愈觸悲懷。俯首拈其衣帶。不知所對。

是時有妓名楚雲者。稔知其事。備言縷晰。某藩動容久之。以指蘸書清華名氏於案。示之曰。汝所言是否此人。時鳳娘亦迴眸竊視。不知某藩用意之所在。第聞有答者曰。良是良是。卽又聞某藩詫曰。是爲吾故人子。且聞其娶已多年。而無後。援例亦得置簪室。何物妒婦。乃欲絕紀氏血統耶。時某藩之僕方侍側。卽顧之曰。汝速以吾名刺往延紀公子。公子弗出。汝勿回也。僕諾而去。某藩謂鳳娘曰。余今爲汝奪得快婿。其何以謝我。鳳聞言眉稜忽軒。發爲抗爽之音曰。公德及墮溷之花。不啻出薄命妾於水火。願買絲繡作公像。日奉香花。祝公壽考耳。某公諧語曰。汝度曲大忙。亦解刺繡耶。楚雲復爲之代答曰。鳳姊針刺久著名。前爲都轉太夫人繡紫竹觀音。太夫人報以明珠一匣。猶謂其犒甚薄。公當知其價值矣。某藩笑頷其言。復顧鳳曰。汝才德俱佳。惜目光過露。懼不能永年。

耳。雖然。汝固節義中人。諸君爲余識之。余自信。老眼無花也。

### 第三章 隕珠

清華自爲銀娥所拘。繡閣綺窗。實爲此罷。恭大夫之獄舍。雖有過從之朋輩。銀悉報以惡聲。是以紀氏之門。無雜賓而慶弔之禮。皆廢。某藩遣使之日。銀適鑄清華於廳事。守以寵僕洪成。使者至。閤者以公子臥病告。藩僕乃述主人命令。謂雖病必彊起。輿以往。清華聞至者。爲某藩僕喜甚。極聲呼救。藩僕大言曰。汝曹乃敢囚主人。罪萬死矣。洪成不得已。白銀娥促清華出。衣冠乘輿往。謁見已見鳳娘。亦在。目光相注。雙眸瑩然。想見靈犀注射也。

某藩少叙寒溫。即及鳳娘事。清華顰蹙曰。姪不幸。室有悍婦。家庭之鷄鶩也。量珠有術。而療妒無方。雖欲爲似續計。置一側室。誰能以夙夜之身受其蹂躪也。某藩曰。鳳娘於子良眷。背之母。乃忍。老夫則謂子可以別館居之。與彼婦爲尹邢之避面計。亦得。於是解囊爲鳳謀脫籍。謂清華曰。曩吾與尊甫厚。曾戲言。

朋友無嗣。苟力能助之。納姬侍俾其宗祀不墜。較其他慈善事爲切實。不意今乃行其所語。子須知老夫爲死友計。非好爲豪舉。故與他人家事也。

清華方欲辭謝。聞所言絕鄭重。躊躇未決。而鳳娘已拜於筵次。則亦姑從其後。某藩復召鳳娘姨氏至。啗以重金。卒如所願。而五角六張之憾事。乃美滿於當前。

旣而閤席聚謀。慮倉猝乏藏嬌所。分居亦非久計。計銀娥雖悍。而勢利之見至深。苟挾某藩之命。曉之以大義。同居當亦無所害。於是遂定議送之歸。果也銀娥方懼囚夫事爲某藩聞。私自惴惴。覩新姬至。意雖不欲。亦蟄伏不敢動。清華之心乃少慰。

鳳娘慧而解人意。入門後。事大婦唯謹。捧匱沃盥。事事必躬親。且不敢當夕。遇臧獲輩。尤有禮。久之。門內頌聲大作。咸謂鳳娘賢。鳳娘之謙抑如故。銀娥初脅某藩勢。茹恨不敢言。旣而聞其已去。揚乃少少安枕。以門內頌鳳娘也。相形見。

絀。慚。且。怒。漸。絮。絮。道。瑕。疵。一。日。鳳。爲。捧。漱。盂。盂。爲。哥。審。產。磁。質。絕。細。畫。筆。亦。精。  
數。百。年。舊。物。也。鳳。偶。顧。壁。上。時。鐘。忽。一。白。雪。猗。以。足。踐。銀。妝。盒。脂。膏。狼。籍。爪。下。  
歷。歷。布。案。上。如。梅。花。銀。怒。擊。之。以。篋。猗。驚。竄。從。鳳。娘。顙。際。躍。過。鳳。持。盂。方。當。胸。  
猗。身。所。過。觸。孟。孟。墜。地。片。片。碎。鳳。娘。駭。極。遽。投。地。自。咎。

銀。之。積。怒。本。如。火。山。蘊。燄。至。是。乃。飛。舞。而。出。就。鳳。投。地。時。騰。一。足。踐。其。腹。揮。拳。  
直。下。鳳。之。面。目。俱。負。傷。已。而。婢。媼。紛。集。環。跪。爲。鳳。乞。哀。銀。見。衆。不。已。助。怒。益。甚。  
曰。余。今。日。必。將。狐。媚。骨。槌。碎。令。汝。輩。同。黨。失。依。賴。

正。紛。呶。間。清。華。忽。趨。入。以。身。橫。蔽。鳳。趣。婢。媼。掖。鳳。起。不。意。鳳。自。入。門。一。度。已。  
結。珠。胎。筆。楚。所。及。胎。立。隕。猩。紅。滿。地。散。作。桃。花。色。鳳。雲。鬢。蓬。飛。啼。痕。界。面。悽。楚。  
萬。狀。銀。怒。目。坐。窗。次。氣。涌。如。山。仍。將。尋。釁。清。華。頓。足。曰。嗟。乎。悍。婦。……語。至。此。  
銀。忽。躍。起。以。爪。其。面。清。華。亦。報。之。以。掌。絕。裾。而。出。隔。窗。語。之。曰。悍。婦。汝。勿。爾。吾。  
將。立。遣。汝。大。歸。吾。不。能。復。畏。爾。矣。室。中。人。聲。方。鼎。沸。語。亦。不。爲。銀。娥。所。聞。衆。競。

以安樂椅昇鳳出。鳳血液之流溢者過劇。悲痛交集。忽即暈眩。面晄白與紙同色。銀猶中申謂其狡詐。慄怒不已。

有頃。清華偕其妻兄文瀾入室。文瀾故謹飭。不直其妹所爲。聞清華報告。岔息而至。至紀氏已詢得鳳娘半產狀。痛恨無似。入時立迫其妹歸。寧相向無他語。銀居室時。素與嫂不相能。見事機決裂至此。歸將不爲所齒。乃少少萌悔意。清華始猶怒氣蓬勃。覩其可憐狀態。意遂不能無動。垂首不語。文瀾哮喘曰。余促汝歸不歸。他日雖欲歸不得矣。文瀾之語意。蓋注射兩方面。不啻明告清華。以後此雖奔告不復與聞也。清華方躊躇所答。銀忽牽衣自陳。知悔。文瀾見妹倩無他語。遂復出。夫婦乃又如初。然鳳娘竟臥病月餘。不能去床蓐。銀之雌威既屢挫。而怨毒之意愈深。唯鑒於茲事。不復爲強悍狀。琴瑟之間。生機都盡。清華憐鳳受創。多留鳳之寢室。鳳亦不復如前之見拒。銀愈抑抑寡歡。乃與洪成通款曲。以爲馮子都矣。



久之清華亦微有所聞。以中葺不謹。懼羞鄉里。隱忍不言。挈鳳娘過鎮江。陽爲游覽。金焦實則爲排悶計。是時髮捻方南。竄天長六合。皆阻兵。以當時新聞事業未擴張。當道又秘密。勿令民間傳說。故清華猶未知其耗。晏然從瓜步趨對江。紅袖青衫。臨流載酒爲狀。至樂。

第四章 聞警

清華携鳳娘旣渡江。翌晨即往登金山之頂。天風浪浪。生於襟袖。下視江中舟楫。直如鳬雁。帆檣之影。惟餘白點。隱約於水天一色中。成一絕佳之畫。本清華於袖間出玉笛曰。卿能爲我歌金山一點大如拳全什乎。余至此覺塵襟全滌。恨不挈家具來。與卿購盈畝地。結廬此間。終吾身以徜徉也。

鳳曰。山水清嘉。正足激發人之志趣。若徒如王子猷戴安道之輩。以烟霞爲癖。癡則滔滔斯世。安用此食焉息焉之廢物。與艸木同腐也。清華蹙然曰。卿言良是。然憂患苦多。人生殆無快意之境。若吾之與汝。今日尙

於此。蛩距相依。爲一日之樂。安知明日不風波。猝起一失所。而各在天一涯耶。又安知吾兩人中。保無有猝遭不幸。溘先朝露。而離鸞別鵲。頓生哀劇耶。言至此。涕忽浪浪下。不知所以致此。鳳觀清華。根觸亦爲愴然。秀奪山綠之蛾眉。猝然顰蹙。強歌以解其鬱。殊不成聲。蓋警告之來。動於心理。無端而百感交集。若爲此一朶女貞花。預致其哀悼也。

無何。烏彩西徂。山色蒼蒼。漸生暮景。清華遂偕鳳娘下。偕歸逆旅。歸途卽見往來市中者。皆露倉皇之色。或有車載物品。作移家狀者。清華竊以爲異。然慮鳳娘之怯。未敢詢諸人。實則值此時。間雖詢而人亦勿告。懼爲吏所聞。律。諸譖之誅也。抵逆旅。逆旅之景狀。亦與途中等。旅客三五相聚。時交耳作秘密談。所談何語。蓋不問而知爲軍事矣。

鳳娘素慧敏。覩此狀況。疑幕頓啓。回矚清華之面。面恍白無人色。先是鳳亦微聞粵寇狀。至是知事急。乃曳清華入室。小語曰。君必聞外間風鶴警。奈何不妄